

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-20193/24
Sarajevo, 16.9.2024. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25/01/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača – Izvođenje radova na zaštiti pješačkih zona (trgovi, bulevari, šetališa) rješavanje saobraćaja u mirovanju Alipašino polje B faza

I

Okvirni sporazum za javnu nabavku – Izvođenje radova na zaštiti pješačkih zona (trgovi, bulevari, šetališa) rješavanje saobraćaja u mirovanju Alipašino polje B faza (broj obavještenja 422-1-3-179-3-239/24, objavljeno na Portalu javnih nabavki BiH dana 14.8.2024.godine i u “Službenom glasniku BiH”– Oglasnik javne nabavke broj 55/24) dodjeljuje se ponuđaču „Orman“ d.o.o. Kiseljak sa ponudom u iznosu od 827.374,00 KM bez PDV-a, odnosno 968.027,58 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu tačkom 3.3.2 koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-20193/24 od 09.8.2024. godine Općina Novi Grad Sarajevo pokrenula je otvoreni postupak javne nabavke – Izvođenje radova na zaštiti pješačkih zona (trgovi, bulevari, šetališa) rješavanje saobraćaja u mirovanju Alipašino polje B faza, broj obavještenja 422-1-3-179-3-239/24, objavljeno na Portalu javnih nabavki BiH dana 14.8.2024.godine i u “Službenom glasniku BiH”– Oglasnik javne nabavke broj 55/24.

Zapisnikom o otvaranju ponuda od 06.9.2024. godine Komisija je konstatovala da su u predviđenom roku, u propisno upakovanim kovertama pristigle tri (3) ponude ponuđača: 1. „Ame“ d.o.o. Breza, 2. „Dinalsa“ d.o.o. Sarajevo i 3. „Orman“ d.o.o. Kiseljak.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da ponuda ponuđača „Ame“ d.o.o. Breza ne ispunjava uslov iz tačke 3.4.1. b) tenderske dokumentacije: „3.4.1. Što se tiče tehničke i profesionalne sposobnosti, u skladu sa

članom 48. i 51. Zakona, ponuda će biti odbačena ako ponuđač ne ispunji slijedeći minimalni uslov, a to je: "b) da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa položenim stručnim ispitom i najmanje 5 /pet/ godina radnog iskustva u struci". Navedeno se dokazuje tačkom 3.4.2. b) i c) tenderske dokumentacije: „b) Dokaz izdat od PIO ili MIO ili Porezne uprave da ponuđač u stalnom radnom odnosu ima zaposlenog jednog diplomiranog inženjera – građevinske ili arhitektonske struke, sa datumom izdavanja, ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija); c) Dokaz o stručnoj spremi, radnom iskustvu i položenom stručnom ispitu za jednog diplomiranog inženjera – građevinske ili arhitektonske struke (original ili ovjerena kopija)”.

Ponuđač „Ame” d.o.o. Breza je stranici 57. i narednoj stranici koja nije numerisana (ali je obezbijeđen kontinuitet numerisanja) dostavio Listu osiguranih lica porezne uprave broj 13-457-12-45.2617/24 od 14.8.2024. godine na kojoj je navedeno lice Daut Jasmin i datum početka osiguranja 01.11.2023. godine, na stranicama 58-59 ponude dostavljene su diploma i uvjerenje o položenom stručnom ispitu za imenovanog, dok je na stranici 60 ponude dostavljena Potvrda broj 33-2/24 od 02.9.2024. godine izdata od „Ame” d.o.o. Breza u kojoj je navedeno da je Jasmin Daut u pravom licu „Ame” d.o.o. Breza zaposlen na mjestu inženjer građevine od 01.11.2023. godine i dalje. U predmetnoj potvrdi se dalje navodi da imenovani nakon sticanja VSS-a s danom izdavanja potvrde ima 5 godina, 8 mjeseci i 3 dana ukupnog radnog staža/staža osiguranja. Komisija je ocijenila da predmetna potvrda nije prihvatljiva jer je imenovani kod izdavaoca potvrde ostvario radni staž od 01.11.2023. godine i dalje čime se ne dokazuje postavljeni uslov iz tenderske dokumentacije. Izdavalac potvrde može izdavati potvrdu o evidencijama koje vodi, odnosno o radnom iskustvu/stažu koje je imenovani ostvario kod izdavaoca potvrde, a ne o radnom iskustvu koje je eventualno stečeno kod drugog poslodavca. Na osnovu 169. stav (1), a u vezi sa članom 1. Zakona o upravnom postupku navedeno je da su organi dužni izdavati uvjerenja, odnosno druge isprave (certifikate, potvrde i dr.) o činjenicama o kojima vode službenu evidenciju. Na potvrdi koju je dostavljena na stranici 60. ponude navedeno je da se potvrda izdaje u smislu člana 169. stav (3) Zakona o upravnom postupku i da ima značaj javne isprave. Suprotnom navedenom poslodavac shodno zakonu ne vodi službenu evidenciju o stažu zaposlenika ostvarenom kod drugog poslodavca, niti za taj period može izdavati potvrde koje imaju svojstvo javne isprave. Shodno Zakonu o penzijskom i invalidskom osiguranju FBiH Federalni zavod o penzijskom i invalidskom osiguranju vodi matičnu evidenciju.

Iz naprijed navedenog razloga utvrđeno je da ponuda ponuđača „Ame“ d.o.o. Breza ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je konstatovala da preostale dvije dostavljene ponude ponuđača „Dinalsa“ d.o.o. Sarajevo i „Orman“ d.o.o. Kiseljak ispunjavaju kvalifikacione i formalno pravne uslove tražene u tenderskoj dokumentaciji. Komisija je izvršila računsku kontrolu ponuda te utvrdila računsku grešku kod ponuđača „Dinalsa“ d.o.o. Sarajevo. Navedene greške su se odrazile na to da ukupno ponudena cijena za ugovor u Aneksu 2 i Aneksu 3 ponude treba da iznosi: 828.012,55 KM bez PDV-a, odnosno 968.774,68 KM sa PDV-om. Ponuđač „Dinalsa“ d.o.o. Sarajevo dostavio je saglasnost na ispravku računске greške broj broj 0320/24 od 09.9.2024. godine.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 13.9.2024. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-179/24 Komisija je utvrdila da je bilo podnošenja ponuda, odnosno da konačna rang lista izgleda kako slijedi:

1. „Orman” d.o.o. Kiseljak sa ponuđenom cijenom za okvirni sporazum u iznosu od 827.374,00 KM bez PDV-a,

2. „Dinalsa“ d.o.o. Sarajevo sa ponuđenom cijenom za okvirni sporazum u iznosu od 828.012,55 KM bez PDV-a.

U skladu sa članom 10. stav (2) Pravilnika o uslovima i načinu korištenja e-aukcije („Službeni glasnik BiH“ br. 80/23) izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum ponuđača „Orman“ d.o.o. Kiseljak iznosi 827.374,00 KM bez PDV-a, odnosno 968.027,58 KM sa PDV-om. Ponuđač je putem e-maila dostavio saglasnost broj 351/24 od 16.9.2024. godine na obračun nakon e-aukcije sa ovjerenom svakom stranicom predmjera radova, te je Komisija dala preporuku za zaključenje okvirnog sporazuma sa prvorangiranim ponuđačem nakon e-aukcije.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

